

دارخانه سی:

باب عالیده
(یکی توکیه)
مصیبه سی فوقنده کی
داثره مخصوصه

مرکز توزیع:

باب عالی جاده سنده
(اتحاد تجارت)
کتابخانه سی اوله
(یکی توکیه)
مطبعه سی

دومى القعه
۳۳۸

علمی، ادبی، اجتماعی و شهری مجموعه در.

صاحبی، مدیری، محرری: طاهر

استراشراطی: هر سنده نك برنجی وایکچی آلتی آیلغندن اعتباراً
آبونه قید اولونوو. سنده لی اون ایکی نسخه
اولق اوزره پوسته اجریتله برابر (۱۰۰)، آلتی آیلغی (۵۰)
غروشدرد. ممالک اجنیه ایچین ۵۰ و ۳۰ غروش علاوه سی لازمدور.

نمبر ستر اطلی: ملتك نفعنه خادم یازیلر مع التشر قبول و نشر
اولونوو. یازانك شخصیتی دکل، یازینك ماهیتی
نظر دفته آلتینیر. کونده دیله جك آناو اوقوناقی و مختصرجه یازیلش اولالیدور.
کن یازیلردن شایان قبول کورولنلر تاریخ صیراسیه درج ایدیلیر.

نك چکن سنه لره عائد و بک چوق معلومات مفیده یی حاوی اولان نسخه لری منتظماً دیکیلمش
واوزره درلینه قالین برر قاپاق کچیریلرک مجلد کتاب حالته کتیریلشدر. خیرالایس اولایله جک
بو نفیس کتابلردن برنجیسنك موجودی بیتمش، ۸-۱۲ نجی نسخه لری پراکنده اولارق
قالشدر. بئر نسخه سی ۱۰ غروشدرد. ۲، ۳، ۴ وه نجی جلدلرک بدلی پوسته اجریتله برابر یوزر غروشدرد. طوغروودن
طوغرویه اداره خانه یه داخلدن ۳۰۰، خارجدن ۳۵۰ غروش کونده ریلدیکی صورتده هر درت جلدی یوللانیر.

مجموعه سی

کویا تیتیرهك شعله‌لری نور دلالت
 کوستردیکی هر برینک عین ضلالت
 یانمقده ایدی هربری مظلوم قانیله
 تونمکده ایدی هربری جهلک دومانيله
 تنویره بدل فکری بوتون ایسله دیوردی
 کویا (کوزگی آج) یرینه (آجا) دیوردی
 کوزلر قابالی اولماسده نور هدا یوق
 انسانلغی تعلیم ایده حک مردخدا یوق
 دنیا کورونور دیدیه برعالم وحشت
 دوران ایسه - تعیری ایله - دوره فترت

بردن بره مشرقده ظهور ایله دی برنور
 بارلاقانی، ظلمتلری هپ ایله دی مقهور
 بطحاده طلوع ایله دی بر فجر سعادت
 طوغدی اوراده شمس دل افروز هدایت
 مهرانلی، نور هدا، لمغه سرمند
 الله یولنک شعله رخشان محمد
 دنیا به او خورشید حقیقت کورونونجه
 صیریلدی بینلردن او ظلمتلی دوشونجه
 اعلا ایچین افکاری حقیقته کماله
 حرب آجیدی تعالی اوناک جهل وضلاله
 علمک ایده رک موقع بالاسنی تحکیم
 انسانلره انسانلغی ایله دی تعلیم

ای ذاتی اولان صورت ذیروح کالات
 خلقکله ایدم قدرت خلقتده مباهات [۱]

[۱] حبیب خاص و مختار آتشی زایجادش ید قدرت مباهی

نورکله سنک بارلادی چشم بشریت
 تنویرک ایله طوغدی حقیقی مدینیت
 سن معرفت و حکمتی ظالملره یایدک
 تشریف قدومک ایله خلقک کوزی آیدین
 ای مولد پاکیله قیلان دیدیه روشن
 حرمت سکا، منت سکا، حیرت سکا بزدن
 طاهر

محفل علمی :

تفسیرلر - مفسرلر

ایکنجی قتم : طبقات المفسرین

ابن عباسه منتهی طریقلر

برنجی طریق - علی بن طلحه الهاشمی
 طریقیدرکه ابن عباسه منتهی اولان طرقک اعلاسی
 وصاعلامیدر . امام احمد بن حنبل بو طریقک
 مدحتده دیورکه : « مصرده بر طومار واردرکه اونی
 علی بن طلحه ، ابن عباسدن روایت ایله مشدر .
 شاید بر طالب ، اونی الله کچیرمک و مضمونه صاحب
 اولمق ایچون مصره قیدر کیتیمک زحمتنه قاتلانسه
 چوق کورولمز » . بوندن طولاییدرکه بخاری ،
 اونک نسخه سنه اعتبار ایله مشدر . علی بن طلحه
 ایله ابن عباس آراسنده بر واسطه واردرکه اوده
 یا (مجاهد) یا خود (سعید بن جبیر) در . علی بن
 طلحه نک وفاتی ۱۴۳ ده در .

ایکنجی طریق - قیس بن مسلم الحدادی
 طریقیدرکه مشارالیه (عطاء بن سائب) دن ، اوده
 (سعید بن جبیر) دن ، اوده ابن عباسدن روایت
 ایدرلر .

قیس بن مسلم ، روایتی یا سعیددن یا خود

باشقه بنیدن کچیر ، اونندن ده (ثوری) و (شعبه)
روایت ایدر لر . وفاتی ۱۲۰ هـ در .

اوجینچی طریق — ابن اسحاق طریقیدر که
مشارالیه (زید بن ثابت) ک مولا سی اولان (محمد
بن ابی محمد) دن ، اوده (عکرمه) یاخود سعید
بن جبیر دن ، اونلرده ابن عباس دن روایت ایدر لر .

ابن اسحاق ، انس بن مالک و سعید بن المسیب
کبی ذواته ملاقی اولمش ، قصص و سیر و مغازیده
پک چوق نام آلمش ، حدیث و قرآنده یویوک
مهارت کوسترمش برتابعیدر . وفاتی ۱۵۰ تاریخنده
بغدادده در .

دردنجی طریق — کابی طریقیدر که طرق
ابن عباس ک اک واهیسی و غیر مقبولیدر . مشارالیه ،
(ابو صالح) دن ، اوده ابن عباس دن روایت ایلر .
کنیه سی (ابوالنضر) در . اسمی (محمد بن سائب
بن بشر) در . (کلب) نام قبیله یه منسوب و کوفه لیدر .
علم انسابده وسعت اطلاعه مالکدر . بر تفسیری
واردر . (عبدالله بن سبأ) نام یهودی دونه سنک
اتباعتدن ، بناء علیه غلاة شیعه دن ایدی . (جل)
(و صفین) وقعه لرنده بولوندی . وفاتی ۱۴۶ سنه سنده
کوفه ده در . کندیسندن آنجی ترمندی روایت ایلر
چونکه کیمسه طرفندن توثیق اولونمامشدر . طریق
کابی نک . ضعیفی بودر جه اولدنی حالده بوکا برده (محمد
بن مروان السدی) منضم اولور سه سلسله مزبوره
سلسله کذبدن باشقه نام آلاماز .

سدی یه (سدی صغیر) دیر لر که کوفه لیدر .
کنیه سی ابو عبدالرحماندر . تفسیری کابی دن دیکه مشدر .
وفاتی ۱۸۶ هـ در .

واحدی ایله ثعلبی تفسیر لرنده بوکا استناد
ایدر لر سه ده جداً واهیذر .

بشنجی طریق — (مقاتل بن سلیمان) طریقیدر که
مشارالیه واهی اولمده کابی ایله اوموز اوپوشور لر .

هرکس طرفندن تکذیب اولونمش ، هیچ بر کره
توثیق اولونمامش ، بونکه برابر تجسیم و تشبیه ایله
شهرت آلمشدر . اونک ایچون نسائی دن باشقه بر
کیمسه کندیسندن تخریجده بولونمامشدر . ناصیلسه
نسائی ، اونک حقنده (لایتمند الکذب) سوزیله
هر نه قدر یالان سویلر سه ده متعمد دکلدز دیمش ،
مع مافیه وقوف تفسیر یسنه قائل اولان بولونمامشدر .
۱۵۰ تاریخنده بصره ده وفات ایله مشدر . بونکه
معاصر برده (مقاتل بن حیان) واردر که تجسیم
و تفسیق اولونمادیغی کبی زهد و تقوی و فقه
و فتواسنه شهادت ایدیشدر . (شعبی) دن
(عکرمه) دن (عبدالله بن بریده) دن
روایتده بولونمش ، (ابراهیم ادهم) و (عبدالله
بن المبارک) ده کندیسندن روایت ایله مشدر .
ابومسلم خراسانی نک خروجنده - افغانستانده کبی -
کابله قاچمش ، خلقی اسلامه دعوتله بوخصوصده
پک یویوک موفقیت کوسترمش ، همان کافه افغانیانی
اسلامه ادخال ایله مشدر .

آلتنجی طریق — ضحاک بن مزاحم ۵ طریقیدر که
انقطاعه اوغرامشدر . چونکه ابن عباسه ملاقی
اولمامشدر . (ابن جریر) ایله (ابن ابی حاتم)
کندیسندن اخراجده بولونمشدر . چونکه منقطعک
ضعفه حکم اولونماز . ضحاک ، ایکی سنه آناسنک
قارنده طور دقدن صوکر ا کوله رک طوغمش ،
اومناستله ضحاک نامنی آلمشدر . صلاحی امتدن
بر ذات اولوب ۳۰۰۰ قدر قیز چوچوغی استیجاب
ایده جک بر مکتب یاپدیرمش و چوچوقلر ک تعلیم
وظیفه سنی در عهده ایتمشدی . حیوانه بینهرک
معاونین تعلیمیه سنی تفتیشه چیقاردی . اجرت تعلیم
نامنه برشی آلامزدی . حجاج ک شرنندن قاچمش ایسه ده
بلخ ده یاقابی آله ویرمش ، ۱۰۵ تاریخنده زندانده
وفات ایتمشدر . رحه الله علیه .

و استفاضه سی پک چوقدر. حسن صوتی، جودت قرائتی تحسیناً «لقد اوتیت مزماراً من مزامیر آل داود» التفات نبویسنه مظهر اولمشدر. یمنه والی اولارق کونددریش، ۴۴ سنه سنده وفات ایلهمشدر. دارالفنون الیهیات فاکولته سنی تفسیر و تاریخ تفسیر مدری بر غمهی جودت

اسناد : ۶

أوت ، اسناد پیغمبرك وفاتی زماننده دكل ، حیاتندهده واردی و مطلوب و ملتزم ایدی . حتی « یارسول الله بونی کیمدن ایشدك ، قائلی کیمدر؟ » دییه صورمنی منافی ایمان اعتقاد ایدن و سوء ادب اولدیغنه قانع بولنان کندی متابعلری و جانندن مصدقلری اولان صحابهیه قارشى بالذات استعمال بیوررلردی. ازان جمله (احادیث قدسیه) دیدیکمز کلمات الیهیک بعضیلرینی بلا واسطه جناب حقندن تلقی بیوردقلرندن یالکزجه (قال الله تعالی - یاخود يقول الله عز وجل) بیوره رق و بالواسطه تلقی بیوردقلرینی اسنادله (عن جبریل ، عن الله) دییه و (اخبرنی جبریل - یاخود - اخبرنی ملک عن رب العزة) دییه روایت بیوردقلرینی حدیث کتابلرینه مراجعت ایدنجه کورورز. شیخ الاکبرک (الاحادیث الواحدة والمائة الیهیک) نام حدیث جزئی و (مناوی) نک مطبوع (انوار القدسیه) نام احادیث قدسیهیی حاوی کتابی بو خصوصده ایکی شاهد مزدر .

جناب شیخ الاکبرک جزئندن یکریمی یدنجی حدیث قدسییی برای نمونه عرض ایدیم: مشارالیه سند متصل ایله (کرایسی) دن (عن محمد بن اشرس عن عبد الصمد بن حسان عن سفیان الثوری عن ابن المنکدر عن جابر ابن عبد الله عن النبی صلی الله علیه

یدنجی طریق - عطیة العوفی طریقیدرکه طریق مزبورک ضعفنه رغماً (ابن جریر) ایله (ابن ابی حاتم) اوندن تخریج ایدرلردی . مع مافیه ضعیفدر، فقط واهی دکلدر. وفاتی ۱۱۱ تاریخندهدر. سکننجی طریق - سدی کبیر طریقیدر. مشارالیه اسماعیل بن عبد الرحمن القرشی الکوفی اولوب تابعیندن اولغله برابر شیعیدر. مسلم و سنن اربعه ارکانی عندنده مرغوبدر. وفاتی ۱۳۱ تاریخندهدر.

ابن عباسدن صوکر اطبقة صحابه دن اولانلر بروجہ آتیدر:

أبی بن کعب ۳۰

بوذات والا قدر، کتابت وحی خدمت مقدسه. سنده بولونان اصحابدندر. برکون نبی ذیشان، کندیسنه «اعظم آیات قرآنیه هانکیسیدر؟» دییه صورمش. اوده « آیه الکرسیدر » ده نیجه « علم ، سکامبارک اولسون » جمله سیله تبریک و دعا بیوررولمشدر. تفسیرده کندیسندن بر نسخه کیره روایت اولونمشدرکه اونی (ابو جعفر رازی) ، (ربیع بن انس) دن ، اوده (ابو العالیه رفیع بن مهران) دن ، بوده (ابی) دن روایت ایشدر. (ابن جریر) ، (ابن ابی حاتم) تفسیرلرنده، حاکم (مستدرک) نده، احمد بن حنبل (مسند) نده اوندن تخریج ایلهمشدر. وفاتی ۳۰ تاریخ هجریسندهدر .

زید بن ثابت ۴۸

بوذات شریفده کتابت وحی خدمت مقدسه. سیله بکام بیوررولان بختیاراندن و معانی قرآن علماسندن اولوب ۴۸ تاریخنده وفات ایلهمشدر .

ابوموسی الاشعری

یمیلیدر . فتح خیر اثناسنده هجرت ایده رک مسلمان اولمش، قرآنی تمامیه از برله مش و رسول الله عرض ایشدر. صحبتی نسبه آاز ایهده استفاده